


Bibël për fëmijët paraqet

Biri Plangprishës



Shkruar nga: Edward Hughes

Ilustruar nga: Lazarus

Përkthyer nga: Arianit Iljazi

Adaptuar nga: Ruth Klassen; Sarah S.

Tregimi 45 nga 60

www.M1914.org

Bible for Children, PO Box 3, Winnipeg, MB R3C 2G1 Canada

E drejta e kopjimit: Mund të bëni kopje ose ta shtypni këtë histori, nëse nuk do ta shitni.


Shqip

Albanian



Historia e parë ishte me një njeri që kishte njëqind dele.


Njëra prej tyre humbi.



3


Menjëherë bariu i la nëntëdhjetë e nëntë të tjerat dhe doli për të gjetur atë

që kishte humbur.



4


Bariu kërkoi dhe kërkoi, gjersa e gjeti atë që kishte humbur. Pastaj ai e vuri mbi supet e tij dhe e çoi në shtëpi plot gëzim.



Ai u tha miqve të tij, "Gëzohuni me mua, sepse e gjeta delen që më kishte humbur!"

5

Jezusi shpjegoi që ka gëzim të madh në qiell, për një mëkatar që pendohet. Të pendohesh do të thotë të na vijë keq për mëkatet që bëjmë - aq shumë keq, sa të mos i përsërisim më.




6

Historia tjetër që Jezusi tregoi, ishte për një grua që kishte dhjetë monedha argjendi-mbase gjithë kursimet e jetës së saj. Një gjë e keqe ndodhi. Ajo humbi një nga monedhat e saj.



7

F'sht! F'sht! F'sht! Gruaja fshinte duke kërkuar gjithandej. Më në fund ajo e gjeti monedhën e humbur.



8

O sa e gëzuar ishte ajo! A e gjeni dot se çfarë bëri gruaja? Po, ajo i tregoi të gjitha shoqeve të saj!



9



Përsëri Jezusi tha, "Ka gëzim në praninë e engjëjve të Perëndisë për një mëkatar që pendohet".


10

Historia e tretë që Jezusi tregoi, ishte më e trishtueshmja nga të gjitha. Fliste për një djalë që u largua nga shtëpia e babait të tij.




11

Në një vend të largët, si budalla, djali i shpenzoi të gjitha paratë që i kish dhënë babai. Çfarë do të bënte ai tani? Për ti bërë edhe më keq gjërat, një zi buke ra në atë vend. Djali mund të vdiste nga uria.




12

I dëshpëruar dhe i uritur për vdekje, djali gjeti një punë si ushqyes derrash. Por askush nuk i jepte atij për të ngrënë. Ai do hante me gjithë qejf ushqimin e derrave... Por as atë ushqim nuk e lejonin të hante.




13

Më në fund djali erdhi në vete. "Në shtëpinë e atit tim madje edhe shërbëtorëve u del e u tepron ushqimi", mendoi ai.




14

"Do të shkoj në shtëpi dhe do ti them, 'Babi më vjen keq për mëkatet e mia. Nuk jam më i denjë të quhem yt bir. Të lutem më prano si një nga shërbëtorët e tu".




15

Ndërsa djali ishte ende shumë larg shtëpisë, ati i tij e pa ndërsa vinte. Me gëzim, babai vrapoi tek i biri që po kthehej. Ai e puthi çunin, dhe e përqafoi fort, fort, fort.



16

"Babi unë kam mëkatuar. Unë nuk jam i denjë të jem biri yt". Djali, ishte gati ti kërkonte babait ta merrte në punë si një nga shërbëtorët e tij. Por babai as nuk e la të flasë. "Sillni rroben më të mirë, sandale dhe një unazë për timbir; dhe përgatitni një festë të madhe".



17

Dhe bënë një festë të mrekullueshme ... sepse djali që kishte humbur u gjet. Jezusi e tregoi këtë histori ngaqë na tregon sesa shumë i do Perëndia mëkatarët dhe sa shumë dëshiron që të pendohen dhe të vijnë tek Ai.



18

Biri Plangprishës

Një tregim nga Fjala e Perëndisë, Bibla

e marrë nga

Llukes 15

"Zbulimi i fjalëve të tua ndriçon dhe u jep mendje njerëzve të thjeshtë."

Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mëkatin është vdekja.

Perëndia na don neve aq shumë sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

Lexo Biblën dhe fol me Perëndinë çdo ditë!

